



皇朝四明風雅

卷之二目錄

張楷

張懋

倪光

黃騏

宋恢

王潤

屠瀟

楊守陳

楊守陞

周旋

魏備

楊茂元

李麟

李堂

袁孟悌

謝矩

張琦

洪貫

張懋賢

張時敏

張時政

張時孜

梁衡

史自守

梁寅

皇朝四明風雅卷之二

張楷

字式之號介庵慈溪人永樂二十二年進士歷官僉都御史

老将行

少侍武皇親幸時天閑赤驃尋常騎當圍一箭落雙隼萬
口嘖嘖稱男兒天山夜搗單于壘葱嶺朝傾頡利師琵琶
帳底金鑿落刁斗營前鍊蒺藜穰苴豈解知合變孫武何
曾識偶奇當時只擬名不朽誓向藁街懸賊首相如白壁
還奉君晉鄙兵符奪懸肘謾說三徵出草萊誰誇百步穿
楊柳運籌不數張文成決計浪傳陳戶牖長吟廉頗惟善
飯也知樊噲徒誇酒蹉跎世事若浮雲閩外傳喧寂不聞
帳下爭趨新號令道傍誰識舊將軍對客龍鍾羞講武逢

人磬折學談文壁上蟪蛄翳雙劍門前鳥雀散三軍願得
子方憐老馬還同魏尚敘前勛

燕支行

天騎西來如虎雄羽書夜至甘泉宮天子授戈金闕下將
軍按劍玉關東三軍賈勇陰山外萬騎橫行大漠中腥穢
盡除方偃武撓槍未掃不言功傳令三河收健卒羽林鐵
騎爭哮哮何時滅虜方伸氣此日報讐甘肅骨風雪連宵
鼓角悲塵沙捲地旌旗沒漢陣朝朝連漢雲胡笳夜夜悲
胡月飄搖大旆紫金鈎蹀躞雲蹄玉面騮迴鞭已搗月支
窟息馬還歸瀚海頭簫鼓營中軍士樂凱歌聲裡虜人愁
摧鋒固恥人無勇決勝須憑將有謀

白頭吟

君彈綠綺琴妾賦白頭吟君意都忘絃上語妾詞空寫心
中素昔日還同得水魚今朝忽若經霜樹妾顏比少未成
衰君心已改少年時棄置文鷄逐鷄鴛舊事盡乖新事宜
妾意將君比明鏡一物何曾照雙影風中柳絮未得粘浪
裡浮萍那可定君豈東流去不返缺月終期有時滿

各東西

天涯別我東復西行行各自念前路惟有飛塵逐馬蹄今
宵兩下宿何處不識君安并汝苦去日漸遠路漸長幾夜
夢中或相語飛雲上山泥入地一人一身原自異風吹雲
影落泥中到底相親不相棄

吳宮怨

江空月冷天如水銅龍漏咽沉檀死宮中粉黛一千人白
眼相看嬌妬起自入朱幃并翠戶幾番曾得君王數君心
好惡自不常豈在區區歌與舞宮門倚天鈴索垂凍霜吹
老青桐枝玉鑿隱隱背墻去何人邀得君王歸君前豈無
容妾地舊劍猶存肯終棄

遊少林寺

步入金沙地相邀坐竹林僧歸青嶂寂龍卧碧潭深石澗
流春乳松堂落午陰高懷殊未已臨別更沉吟

和賦得暮雨送李胄

微雨滄波路孤舟薄暮時鴈迷歸浦早雲濕度江遲白日

青山冥芳洲碧草滋紛紛到華髮相看總成絲

贈張將軍

百戰功何在荒城夕照間角聲千騎盡弓影一燈閒見月
思臨塞因風想出山當年青海上猶記突圍還

送人遊塞

別淚墮如絲含情折柳枝晚風花落處寒日馬嘶時記里
知前路占程定後期百年能幾日強半惜分離

洛陽道中

洛陽大道上日暮香風多下客駐巾烏上客停珮珂

魏宮詞

乍啓金魚鑰閒登銅雀臺新權猶未極落日苦相催

塞下曲

風急陣雲高胡人不敢逃當圍縛酋虜來試礪鴉刀

漢宮曲

日暮上簾鉤春風壓翠樓忽聞宣召急羅帕掩空篋

江南曲

忽得三巴信郎歸未有期只言風浪險不是薄情兒

尋張逸人

綠溪五里十里隔水三家四家借問先生何處柴門流水

桃花

長信宮詞

又忘恩幸不成思每聽和鑿意亦空翠輦自經長樂去傷

心無奈月明時

和酒泉太守席上醉後作

高臺秉燭看劍舞四座歡聲雜鳴鼓酒闌羅袖動輕寒門

外蕭蕭杏花雨

宮中詞

宮中楊柳戲青娥不見歲蕤舞鳳過恠底東風不相忘隔

墻吹送落花多

竹枝詞

浮雲日日蜀山頭石瀨年年蜀水流家住瞿塘三峽下慣

經風浪不知愁

江南春

滿川啼鳥怨殘紅水郭春圍柳絮風新雨一番江水潤草
痕將綠到吳中

古詞

羅帕凝香濕未乾朱樓窗外雨生寒燈花知是虛傳喜落
盡青煤誓不看

隴頭吟

王門將軍秦隴客十載不歸頭半白夜聞隴水憶秦關曉
上城頭聽羌笛笛聲嗚咽送邊愁隴水滔滔日夜流壯士
三千豪氣盡家人翹首望封侯年年虛建平胡策依舊黃
沙隴水頭

張慤

字汝誠號東臯鄆人贈吏部侍郎子時敏時政時

和唐音五首

奉和聖製自蓬萊至興慶閣道中春望之作

蓬萊閣下宮車動興慶池邊閣道斜綵仗聽鶯隨弱柳翠
旗衝燕入飛花五雲多處通三島四海清時正一家共仰
宸遊施雨露行歌帝德配重華

凌敲臺

荒岡一路入縈迴父老爭傳宋主臺鏃馬英雄千古恨翠
鑾歌舞幾迴來園陵暮雨草空綠野路春風花自開欲訪
唐人舊題處斷碑三尺枕蒼苔

春日幸望春宮應制

宸遊何處景堪憐御苑晴春欲禁烟風靜紫垣香下繞日

四明集卷三
臨黃道幄初懸宮門花落隨羅綺輦路鶯聲避管絃幸續
賡歌備供奉玉尊叨醉鳳樓前

勅借岐王九成宮避暑應制

鶴響翩翩曉御風鳳城佳色接離宮冰壺錫宴秋無暑水
殿凝香日正中卧愛碧雲生枕簟醉看涼月上簾櫳夜涼
更欲緱山去齊抱瑤笙望碧空

雪後早朝

昨日瑤華柳上歸千門一夜白生輝試飄花雨隨龍馭敢
逐香雲上袞衣鳴佩緩辭丹鳳詔清琴閒奏粉郎聞時明
不用誇詞賦自是君王宴幸稀

涵清軒為太守戴公題

投老歸怡物外情水邊軒子最留清綠楊春檻供垂釣素
月秋階可濯纓有客鉤簾看遠碧何人擊楫度空明滄浪
一曲紅塵迥野鷺汀鷗不用盟

次南園韻憶梁士平二首

故人從別去向處度年芳花月毘陵醉東風燕寢香白頭
長遠道清夢自高堂惟想春歸鴈聲聲到枕傍
喬木鶯遷候閒門花落時佳期不可得夕夢倘因之落落
相知者綿綿遠道思情來忘寢寐寧問夜何其

同梁文博重遊南湖

別來重約郡城遊又向南湖共彩舟幾處叢祠社日鼓數
聲羌笛夕陽樓芙蓉着露紅衣冷楊柳經風白苧秋甬水

橋邊酒家路短篷乘月慣淹留

月夜聞砧

雲盡天南河漢明誰家今夜搗衣聲愁添海上行人淚淒絕閨中思婦情遺響入林增爽籟暗腔隨月度秋城平明聽此亦惆悵何況寒宵夢未成

憶山中

棹入清溪沂碧環仙源只在白雲間飛泉亂捲天邊雪濕翠遙分兩外山兩岸桃花通磧谷幾家茆屋帶松關武陵歸客塵緣重何日烟蘿許再攀

首夏入城舟中作

落盡紅芳已倦遊懷人無奈復登舟雙飛白鳥天邊沒岸青山野外流風雨一春愁似海江湖四月興如秋懸知城郭多佳景何事於今獨倚樓

梁友蘭初度

平生一目五行俱廿載江湖放浪餘潘岳閒居曾有賦昌黎干謁久無書黑貂行色黃金盡青鏡流年白髮初寂寞草堂詩酒費煩君日日枉軒車

病中

共言人事能催老一病催人老亦成已悟百年如轉燭肯教方寸若懸旌青燈夜雨頭新白黃菊秋風眼暫明寂寂草窓誰慰遣坐看山鳥下階行

題山水四景

四明原雅卷三
七
茆屋鈎簾處川原遠近分
雨餘花落盡流出滿溪雲
炎日無塵地松風灑鬢來
野人相見好隨意坐莓苔
心愛滄浪好扁舟雨一簑
過橋楓影薄秋色滿江坡
風雪寒江上無人和濯纓
不知方寸裡容得許多清

暑夜

坐爰月未上露華秋暗零
野螢無意緒凌亂一天星

鄞城阻雪

巖城鐘鼓夜迢迢坐暗蘭
釭酒未銷睡暖不知天
雨雪夢魂祇在灞陵橋

閒興

漠漠風塵淡淡秋苦吟詩
骨戀滄洲夜來一枕神仙
夢飛

入天台鴈宕遊

即事四首

南園夏日長清陰蔽亭
臯虛簷鳥雀噪隔水玄蟬
號騰彼兩文禽振浴迴塘
坳脩翎激晴波和鳴聲交
交我欲弄此鳥惜哉無輕
撓愴况發長歎展翮已冲
霄眈眈形影絕徙倚徒煩
勞

明月出東海照我湖上樓
流光入窓壁炯炯羅幃秋
倦來獨高卧醉夢紆丹丘
恍惚一羽人邂逅空中遊
珥節顧我咲遺我明月鈎
洽歡殊未央振袂登雲虬
形影忽不見眴眴心傷憂

高梧倚崇崗托根金井西
交柯結層陰上與浮雲齊
儀鳳

夕不三衆鳥安敢棲烈烈爨下聲惜哉知老稀
楚畹有遺芳叢生在深谷綠葉發華滋奇葩芬馥郁豈無
惜芳者棄置不我錄我欲援素琴悲歌不成曲

南園莊

瀟灑南園一畝莊頻年種藝學柴桑閉門花雨鶯啼過捲
幔薰風燕入忙紅葉但書沽酒券白雲長護采蔬筐秋成
頗為山田薄餐過東籬菊數行

十六日夜乘月過西疇醉歸有感

對月誰堪悶倚樓興來閒與白雲遊天光海色渾疑曙野
曠風高不奈秋楚客有詞招桂隱袁郎何處醉蘭舟歸來
目送西飛魄明夜陰晴總是愁

倪光字應奎號味易鄞人隱士

薤露歌

薤上露朝易晞人生如寄死如歸視彼迎風燭一滅無餘
輝

挽 薤上露朝易散人生如寄死如返視彼東逝波一去無由

次鄭汝誠雨中述懷

閒門深掩長松蘿書劍無成奈老何白屋獨看黃菊在青
雲莫道故人多雨收天迥群峯出日落江空一鴈過賀監
湖頭歸未得畫船詩酒付滄波

訪茅山張鍊師不遇

四明風雅卷一
九
客中曾有約孤騎入茅山一水落天上亂雲生竹間花深
溪路遠松老洞門閒採藥不知處月高猶未還

暮春園居即事

桃花零落杏花稀水綠池塘野菜肥老去日長無外事靜
看蝴蝶弄薔薇

暮春寄金文用

病起有誰問長日獨傷春遙憶少年事空悲白髮新萍香
魚弄日花落蝶愁人寄與忘年客論交晚最親

遊北峯寺

曉上北峯寺空巖見鹿群一僧出花徑雙鶴卧松雲野竹
含風靜飛泉落澗分梵蘿凌絕頂仙樂近天聞

夜坐

獨坐青天下風清白藕香流星當座落明月下階涼雙鵲
繞庭樹一螢飛水塘好懷應不寐呼酒縱詩狂

都門見鄭蘭谷述懷

長才十載客京師莫道朱門少見知李廣不封空有策長
卿多病未逢時都門柳暗春風早山徑花寒曉日遲自愧
白頭仍在客故園一夢總相思

上陽宮

鑿輿西去竟如何太液春閒野鳥過古樹尚含新雨露寒
雲長鎖舊山河宮門寂寂野花落輦路萋萋蔓草多惟有
長江流不盡當年事業寄頽波

病起有懷

一枕西窗歲欲闌
梅花夢醒鳥啼寒
青年不學壺中術
白髮空慚鏡裏看
十畝湖田歸范蠡
半村風雪卧袁安
升沉世事不須問
強起扶藜對藥欄

落葉

東飄西墜總無情
幾度敲簾睡不成
古寺門前僧自掃
夕陽林外犬頻驚
道人煮石燒丹竈
宮女題詩出禁城
昨夜小齋曾醉聽
不堪和雨雜琴聲

黃驥

字仲良號竹坡鄞人宜興知縣

長安行

長安城中黃壚頭
羅襦寶帶含嬌羞
鳳凰刻釵紫金結
狡狴繡裙紅錦裘
梨花染面翠作眉
春葱削指膚凝脂
畫工停手未解筆
湘靈宓神相參差
凝矚含態善窈窕
豈肯當筵輕一咲
玉顏一咲四座驚
白璧黃金盡傾倒
千門歌鐘平旦開
五侯七貴紛紛來
椎牛刺豹羅尊俎
翠杓牙盤鸚鵡杯
流連光景不知止
城頭日晡猶未已
鸚鵡錦裘酬主入
麒麟玉帶報知己
張燈促席更漏長
清歌妙舞真非常
脚踪軟襯金蓮穩
口脂嬌噴薔薇香
風光節物那能久
昨日少年今白首
富貴豪華未可憑
碧玉綠珠今在否
君不聞孟光荆布清
且貧齊眉舉案垂千春

春曉曲

百尺青樓瞰官道
日日東風轉芳草
萬家烟樹春意濃
一

曲流驚曙光早花枝紅重露猶濕楊柳輕眉未掃綺牕
少婦坐含顰玉貌多因惜春老

雨中齋居

高梧下疎雨滴瀝在銀牀美人捲簾坐金鴨自焚香風吹
綠荷葉望見雙鴛鴦

春晝偶興

湘簾垂地日當戶花影壓闌鶯亂語庭院無風絮自飛一
枕春愁細如縷呼童拂拭湘竹牀自携綠綺操羲皇調高
絃絕知音少可憐冥默夢蒙莊携琴起步庭階下怨綠愁
紅淚盈把夜深不舞祖生雞歲晏空淹少游馬凝顰含態
忽如癡翹首捫心還自思丈夫窮達本天運何用紛紛悲

路岐

愁思

涼雨紛紛梧葉落候虫入夜鳴砌角小牕燈影伴人孤客
思秋懷兩蕭索圍屏倚徧更漏長金爐換火焚新香理琴
自愛寫幽獨城頭烏啼夜未央夜未央欲何似流水高山
寡知己佳期暗逐楚天雲美人遙隔湘江水高歌擊節秋
興豪舉頭一點冥鴻高

送別

為客偏憐客逢君又送君何如在行役常是惜離群渺渺
江頭樹悠悠壠上雲物情將別意相與兩氤氳

古城夜行

四明風雅卷三
日暮從行舟，依人欲暝投。烟光迷野戍，燈影入河流。雞犬前村店，帆檣古驛樓。周南流滯客，離思滿滄洲。

春思

空砌走風花，閒亭長烟草。佳期殊未逢，徙倚青春老。

秋夜感興

月冷啼螢急，風繁落葉多。羈愁何處切，織女度銀河。

宋恢

字弘之號

鄞人隱士

寄洪郎中

瓊林有鳴鶴，皎皎霜雪姿。飄飄奮遐舉，雲程揚羽儀。朝飲玉池水，夕啄玄圃芝。音聲振千仞，逸響聞天逵。靈雛善相和好，爵心所縻。安得晨風翼，萬里恒追隨。

訪楊維立進士留贈

虛齋坐岑寂，幽懷曠難任。美人久不諧，紆鬱傷我心。出門愛春熙，灌木鳴珍禽。輕舟溯長川，弭棹楓江濔。高扉俯流水，竹樹蔭成陰。升堂愜良晤，載聆金玉音。韋布分樗散，幸茲挹華簪。芳筵晃銀燭，暢飲樂且耽。悠然寫餘興，嘯咏鑑瓊琳。啓戶夜何其，天漢迴箕參。職思慎毋荒，先哲有遺箴。枕籍甫云覺，晨雞徹雲林。分携聊贈言，庶以酬南金。

王潤

字崇德號友石鄞人隱士

落葉有感二首

春風玉樹錦成機，轉眼秋風葉已飛。落日荒庭人不掃，相看搔首思依依。

鴈拖秋影動金甌隔樹鈎簾一葉飄身在河汾多少思青
山雲掩玉人遥

閨夢四首

燒殘銀燭繡房深簾外春寒入翠衾夢裡不知離別後
笑援帶綰同心

赤沁紗幃菡萏風簾紋斜印玉肌紅覺來淚滴鴛鴦錦一
段雲情似夢中

月過銀屏映象牀秋風微透越羅裳無端一枕相思夢為
雨為雲總斷腸

流蘇寶帳錦毳侍女添香夜幾迴孤夢豈知冰雪積冒
寒猶自過陽臺

題畫竹

曾見東籬立曉霜一枝巖傍拂溪光等閑得製伶倫管吹
落梅花幾夕陽

題画

風景蒼茫地人家遠近烟雲低長礙樹江濶欲吞天白日
消碁局青山落釣船平生蕭散意對此轉堪憐

小艇

故人尋舊約小艇作行窩天影波千頃蘋香雨一蓑霞明
紅葉艷山近白雲多落日滄江曲離愁奈爾何

舟中

旅宿孤舟裡寒燈對客愁江山今夜月風露一天秋水白

四明風雅卷二
蕪葭落霜清杜若洲明朝尋舊約來此狎明鷗

漁舟

時常出沒不知秋半世生涯在碧流網曬斜陽紅蓼岸蓬
推明月白蘋洲逍遙或傍嚴陵釣放浪還隨范蠡遊借問
箇中誰是伴沙鷗忘我我忘鷗

屠浦

字朝宗號丹山鄞人成化二年進士吏部尚書

題涵碧亭

一池新水碧於苔構得幽亭傍水開六月不知天有暑四
時長喜地無埃倚闌下看星辰轉捲幔先迎日月來何用
別尋仙島去箇中風景即蓬萊

題俯景亭

斷崖頂上一亭幽下看濱江萬頃秋日落蛟龍眠水底雨
餘鷗鷺浴沙頭滿城樓閣紅塵遠四面峯巒翠黛浮鐵笛
數聲何處起蕪葭東岸釣魚舟

至永定衛

遠見天門聳翠鬢馬蹄穿過萬重山幾家樓閣寒雲裡十
里城垣夕照間村市烟微商客少柳營人靜甲兵閒夜來
驚起還家夢猶記猿啼百丈關

遊溫泉寺

步入雲山第幾重斜風細雨逐吟蹤高低徑路蒼苔滑遠
近峯巒翠黛濃詞客尋幽多艤棹禪僧出定始鳴鐘臺前
一帶桃花水卷得金鱗已化龍

花間路

一徑百花間幽深往來少昨夜東風狂幾度呼童掃

華嚴寺

地僻人稀碧蘚斑半溪流水綠潺潺山僧不識紅塵路門
掩烟蘿白晝閒

贈東軒上人

雲外青山山下亭日移花影睡初醒金經誦罷無餘事一
炷清香對淨瓶

贈貧僧

芒鞋竹杖謝塵緣只愛孤雲不愛錢深夜琪花憐寂寞一
枝和月落窓前

楊守陳

字維新號鏡川鄞人吏部侍郎贈尚書

獨處愁

良人久不歸深閨傷獨處曉鏡畫雙蛾粧成悄無語慙慙
上高樓矯首空延竚日暮掩重關泣對孤燈雨

從軍行

羽檄起邊庭君為萬里行戎衣登古道鞍馬出荒城曉日
鳴笳吹秋霜卷旆旌飄飄班定遠從此樹勲名

楊白花

青春楊柳花縈迴漢宮樹風吹一夜出深閨亂逐游絲落
何處美人朝起雙黛頰含情無語淚沾巾憑闌極目天涯
遠不見楊花愁殺人

四明風雅卷二
從軍五更轉

一更烟塵稀塞上月流輝主將更不寐邏卒遠未歸
二更雲作陰月黑夜景沉莫辨五旗色唯聞孤吹音
三更疾雨零選士出嚴城銜枚度沙磧去襲單于營
四更傳箭急夜長人倦立霜飛甲冑寒雨過旌旃濕
五更月欲落重門尚鳴柝拂曙整干戈乘風掃沙漠

春江曲

春山雨過春江滿芡葉長長蒲葉短柳絲一把繫郎船好
語東風莫吹斷

送人戍臨洮

秋日皜皜霜露晞秋江水落鳧飛遠客孤舟下南浦臨
風解纜情依依問君西遊向何處云向臨洮戍城去洗馬
初翻浙海波鳴鞭漸拂秦山樹秦山西連隴山道滿地黃
雲和白草鳥鼠三秋雨雪深魚龍十月凝冰早冰雪連營
歲已殘將軍猶欲斬樓蘭彎弓邏迤城頭路掛劍條支海
上山君時談笑青油幕夜枕交戈曉橫槊功成凱奏拜侯
封衣冠畫在麒麟閣

贈隱者

越中有高士卜築老山林仙客有時到世人無處尋鳳歌
雲外斷鸞嘯月中沉擾擾紅塵裡誰知巢許心

普光庵

徑轉青郊外門橫碧水潯滿庭芳草合一塢白雲深梅月

清禪思松風度梵音小牕孤燭夜鳴磬出疎林

下邳早發

客夜耿無寐雞聲促去舟日從平地出天入大河流宇宙
雙雄劔風霜一敝裘老人能復出孺子願從游

閨婦歎二首

寂寞深閨裏愁來懶畫眉如何結縵後還似在家時冉冉
蕙蘭葉青青松桂枝機中有錦字誰與寄天涯

獨坐看春色其如離思何故園芳草徧客路野花多蓬鬢
罷膏沐繡牀閒綺羅倚闌愁不語何處起笙歌

胡人吹笛圖

秋風大漠草初腓又向陰山射獵歸放馬拋弓無一事醉

將羌笛弄斜暉

過紹興

春風倚棹小蓬萊紫陌鶯花處處開綠水自縈西子宅青
山故繞越王臺居人甲第連雲起賈客帆檣帶雨來欲向
稽山探禹穴馬蹄臨發又徘徊

到錢塘

繁華自古說錢塘罨畫樓臺錦繡坊過客盡諳吳俗語閨
人猶學宋宮粧雨連江海波濤壯春入湖山草樹香于此
正堪窮勝賞笙歌隨處醉壺觴

春日出西禁

聽徹駝籠百鳥聲綵雲深處漸東行御池淨瀉中天濶仙

嶼高臨北斗平柳拂翠華風乍轉花明金殿雨初晴寄聲
報語喬松道閣死于今在帝城

元夜同年燕集和柯孟時韻

淑氣初回半月春風光先醉玉京人雲中綵樹迷歌管月
下金鈿落舞茵太乙宮前飛蓋迥梵王城外散花頻華裾
共向高堂醉不信乾坤有劫塵

四皓圖

高隱深山兩鬢疎紫芝香露滿華裾日長林下棊聲起一
着誰知定漢儲

舟行紀事

漠漠平沙岸蕭蕭獨夜舟人隨鳧雁宿河帶月星流畫角
嚴城曙紅蕖別浦秋片帆晨又發雲水共悠悠

遊虎丘

出城纔數里已到白雲間但見門臨水那知寺占山鐘鳴
僧出迓林動鶴飛還石磴行行遍花宮盡啓關

擬平胡曲應制

虜無道侵邊庭草竊財帛掠我氓烽烟舉羽檄騰皇赫斯
怒命徂征元戎發車彭彭丹旌電燧鼓雷轟馳塞徼陣戈
兵虎騎奮擊誰敢撓殪犬豕戮鯢鯨蕩搖沙漠淨羶腥民
按堵樂耦耕將士奏凱還帝京俘馘獻功賞行普天率土
揚威聲海波帖山岳寧萬國億載永昇平

侍宴奉天殿

曙漏初開金殿門鳳旗鸞蓋拂晴暎天臨玉座星辰繞春
滿珠宮雨露繁四海盡聞虞舜樂九衢皆挹帝堯樽馮唐
白首還知感誓秉丹心答聖恩

楊守卬

字維立號碧川鄞人吏部侍郎以尚書致仕

應制西山勝利

四海昇平百度新西山諸刹倚青旻烟霞棧道通仙境金
壁樓臺隔世塵萬壑松風和梵唄千門蘿月照禪身晨鐘
暮鼓香燈裡祝我皇圖億萬春

應制蒼苔

禁苑初收宿雨天玉階輦道碧苔鮮君王自是稀遊幸一
任飛花點翠錢

賦得震澤晴波送人

五湖秋水客南還極目空明豁醉顏素練平鋪雲夢澤青
螺半出洞庭山幾行鴈影孤帆外萬里天光一鑑間南望
八閩何處是歸心先已到鄉關

燕席觀王祥雜劇有感

見董心先苦談梅齒自酸笙歌春院曉風雨夜牀寒

周旋

字克敬號半江給事奉議慈谿人

有所思

悲風起高樹陰雲蔽朝陽伊人在天末地遠道路長駕言
欲相就車敝馬玄黃秋深氣愈厲孤鴈正南翔爰附尺素
書以寄我衷腸飛高影漸沒感刺心內傷

贈姚惟東

葦葦梧桐樹敷陰南山麓大枝立青銅小枝橫綠玉朝晞
旭日光暮來鳳凰宿爰抱琴瑟材屢睨中郎目琬斷絀朱
絃清商宣妙曲音響發至和宇宙調玉燭

暮春山行

馬色林間路山花作陣飛東風如有意吹去點征衣

西莊晚望

野水漫鳧汀烟蕪接遠坳數峰青抹黛遙指不知名

早朝

玉漏九門通銀燈萬點紅鳴珂齊百辟飛蓋擁重瞳烽燧
三邊靜車書萬國同侍臣封事少退食每從容

西崦莊

十年辭世路終日對青山竹似憐人俗雲應陪我閒有綠
專靜壑無藥駐衰顏獨向階前立秋聲起樹間

次李商隱無題韻二首

弓鞋窄窄步移難獨倚粧樓暮雨殘情緒逢春那得好淚
痕終日不曾乾試拈彩筆驚肌瘦小傍銀屏怯被寒恍忽
却疑愆素約篋中時檢舊書看

蟬鬢輕盈不耐風水亭簾幙怕朝東瑤箋錦字無人寄碧
海青山有路通倦態謾同芳草弱愁顏不分小桃紅天涯
蕩子經年去踪跡東西類轉蓬

寄金華太守萬季崇

四日風雅卷二
別來又是十年餘舊業惟存案上書落日青山當戶牖秋
風黃葉滿階除已無朝士知名姓只有林僧問啓居老我
得閒身尚徒形神多為苦唵癯

魏侑字達卿號雲松鄞人貢士訓導

倚蘭操 擬孔子傷不逢時作

駕言遑遑云胡以宿彼蘭者何猗猗空谷維蘭之芬維蘭
之德薄言爾採寧不爾毅行道遲遲我心傷悲庶無內疚
天其靡夷

題幽人歸隱圖

若有人兮遐方被薜荔兮荷裳食三秀兮藉蕙寒幽獨兮
茹堂春日兮遲遲春風兮微微鳴鳥兮啾啾垂楊兮依依
覽佳辰兮胡求沛吾行兮蘭舟時不可兮苟得邈予懷兮
靈脩雲冥冥兮欲雨掇芳菲兮歸處羌蹇修兮未來聊紆
遲兮容與

公無渡河

河水溺人人共知公何被髮苦渡之匍匐追留河水湄追
留不及心傷悲湯湯河水寒風吹奈何公死冷蛟螭咿
聲絕招不來我獨在世徒爾為

烏夜啼

秋夜烏啞啞啼上墻東梧書幃欹枕淚如雨痛憶慈親在
何所夜半烏啼啼不已啼不已哀怨多吁嗟烏啼奈爾何

關山月三首

皎皎關山月 征人看作愁
幾回曾破鏡 何日大刀頭
今夜妾腸斷 中天月正明
關山遙注目 不得見夫營
借問天上月 古今照關山
荷戈來此地 白首幾人還

少年行

橐弓插羽氣如虹 白馬翩翩過市中
解射飛鷗向沙磧 姓名近報建章宮

烏棲曲

鮫綃翠被鴛鴦枕 殘夜寒風逼孤寢
夢見郎君醒莫尋 流蘇寶結虛同心

宮詞二首

春花寂寂夜如年 明月當空惜未圓
歌管昭陽承寵幸 玉

顏曾侍象牀前

着霜宮樹錦離離 強捲珠簾淚暗垂
欲寫愁懷秋葉上 風飄恐被外人知

瀟湘曲

湘江曲 湘江曲 十里青雲漾
寒綠鷓鴣深夜啼 一聲月明思殺人如玉

竹枝詞四首

綠竹遶江江水流 朝朝暮暮只如秋
不知世有炎涼意 好鳥幽棲在上頭

幾處行船幾處商 瞿塘如馬險難當
船行可避瞿塘險 最險人心不可防

四日庚子卷二
鷓鴣對對戀蒲葦郎去家門不記儂野李野桃零落盡上
灘莫遇石尤風

好花到處引商船月子三回缺又圓郎逐水流常不返儂
如百丈為郎牽

賦得官亭分袂送別

朝送客送客官亭上別酒愁半酣勞歌慄三唱榜人亭下
報潮生秋風分袂難為情合襟何日叙長別拂袖今朝成
遠行苦欲去無計挽衣留客住數聲斷鴈倚欄干烟水孤
帆渺何處

禽言

提胡盧沽酒飲碧草如茵花似錦及時須作歡作歡不可
甚人生那得長睡邯鄲枕

摘桑看火莫為蠶忙致蠶禍出門採葉焙籠焚一霎延燒
家業墮摘桑看火

麥熟幸療人饑婆餅焦鳥吟為憶山西婆餅焦

時甲辰山西大饑

饑骨枕藉于途婆餅焦婆化山頭不歸婆餅焦聲聲怨着
伊誰婆餅焦

脫却破袴脫却破袴繫身誰不惡加稅青黃不接時
杼軸賣空誰織布

得過且過食盡毛衣更寒餓朔雲乍歛日斜明竊得微暄
聊自負得過且過羞殺當時錦羽時驕語曾將鸞鳳欺
泥滑滑春雨多途中人行為何家有急冒雨行汝莫恨啼

禽聲

蟲言

織織織夜長機杼須勤力舅姑非帛不成暖秋寒莫恠蟲
聲逼織織織

秋了秋了蒲柳西風可比前日好流光疾似梭罕有百年
老貪財害物終日愁子孫未必能相保秋了秋了為樂須
及早

百舌吟

晨星睽睽殘月低衆禽尚睡鴉未啼樹頭春鳥獨何事
舌能令聽者迷間關宛轉百般巧乍聽仍續聲不了鸚鵡
能言豈及繁鶻鷓有韻無如巧飛來庭角自在鳴向人媚
語殊多情楚國禍緣斬尚產秦王心與張儀傾欲訴化工
除此禽此禽得時讒變音諧想不行仰明哲堯庭舜陛鸞
鳳吟

山居即事

傍壑敞茆堂寥寥別興長石崖蜂釀蜜雲碓水舂糧烟鳥
窺人語潭花伺午香柴門客稀到巖徑薜蘿荒

春曉

朦朧曙色微百舌枝頭語鈎簾看海棠一陣催花雨

秋日西莊

平林旭日樵徑獨對涼風釣臺鷗鳥烟飛水啄槿花暮落
朝開

子陵垂釣圖

羊裘那肯換簪纓一曲桐江老此生高節終扶炎漢祚魚竿不是釣虛名

楊茂元字志仁號麟洲鄞人刑部右侍郎

同楊質夫憲副遊泰山

冬日聯輿訪岱宗梯雲直上幾千重根蟠齊魯東西界勢壓青徐遠近峰地勝似猶存孔履松清原不受秦封我來絕頂瞻宸極欲挾天風覲六龍

新秋偶興

散步麟洲上行歌鏡水潯古書常在手世事不關心門長陶公柳囊空季子金偶然成短詠碧落候虫吟

李麟字仁仲號心齋鄞人貴州左布政使

和李商隱無題

花落蕭牆別院風眼看漂泊水流東有懷團扇絨題在無計長門買賦通翡翠夢衾春草綠守官愁臂夜燈紅十年怕見青銅面肯信雲鬢半欲蓬心事無憑欲話難幾經憔悴怕燈殘東風蝶粉春猶澁西日蝸濡露易乾夢斷銀河銅漏滴朝回金屋鎖窓寒臨鸞敢謂嬋娟誤宮樣眉粧八字者

牧羊圖

萬死間關抗虜塵廿年北海未亡身牧羊不羨彌山富杖節惟拚齧雪貧已分此生甘首著豈知他日畫麒麟河梁

相向降奴泣白髮憐君漢老臣

宮詞

青春閒裡過華髮暗中催往事俱流水初心未死灰御爐香縹緲官扇影徘徊脉脉停針久鑾輿幸倘來

東原為王廷直賦

越山迢遞接蓬萊山下平原一徑開樹遶江流天外盡鳥分雲影日邊來東風道路迷芳草殘雪溪橋見野梅安石未應高卧久天涯回首獨憐才

楊柳枝詞

淡烟籠日影婆娑露葉曾經步輦過只尺宮牆看不見年年長是別離多

簾捲青青冰殿涼曉粧隨手鬪眉長含顰待與君王折一月看花到上陽

李堂

時升號董山鄞人成化二十三年進士工部侍

曉發錢塘

湧金門倚鳳城懸舟渡錢塘破曉烟送客吳山青鳥外迎人越樹白雲邊夢遊江寺花生筆怒泄胥濤浪拍天浮海乘槎今已矣得歸喜就甬東田

秋怨

露下梧葉黃鷗鳴月華白何處夢歸人枕欹冰簟側小雨過疎籬黃花開數枝相看不忍摘瘦比離人肌

閨怨

妾有斷腸詞羞向花前題花枝好鳥在驚起雙雙飛

風雨寫懷

閒居不成寐風雨聲苦長檝檝四簷樹送此庭戶涼香消
漏猶滴短檠慘不光搔首發長想美人天一方

春閨詞二首

亭午紗厨靜窓陰日影高投針忽成夢賣花聲過橋
春和百鳥喧居常起偏早不是惜花心長眠錯昏曉

春日宴坐懷南湖舊遊

春風花底看游絲菜甲茶芽夢醒時傲睨乾坤雙眼在蹉
跎事業寸心知傳燈老衲應無恙步月南湖未有期空憶
扁舟來往處雨香雲淡晝遲遲

遊天童寺題壁

目倦心馳縹緲中攬衣直上梵王宮藤蘿半掩千峯月松
檜長號萬壑風孤嶼鶴穿雲片片碧潭龍起雨濛濛塵心
久渴曇花獻願乞天家現玉童

山莊漫興

輕風吹袂步晴堤曉樹拖嵐路欲迷茅屋可容溪月小釣
船不礙石橋低原田布穀催春鳥籬落炊烟報午雞寂寞
逋仙千載後何人真隱上新題

袁孟悌

字本仁號葺齋鄞人禮部主事

題畫四首

江樹老欲丹江流靜如練扁舟載夕陽荻蘆鳴兩岸沙際

起驚鴻隱約雲中見

岳巒石稜層中含太古色啼鳥鎮不聞晴嵐翠欲滴矯首
青芙蓉天際聳孤碧

孤松偃蒼龍青青有餘色躊躇不能去撫摩還顧惜玉宇
迎素秋天風生兩腋

大地總瓊瑤寒光眩流矚行行者何人百盤出幽谷日暮
尚迢遞依稀見茆屋

送誓上人還鶴鳴山山在南雍之西北

尋禮叢林罷歸心越嶠邊山迎投寺錫月照渡江船衣鉢
隨身具跣趺到處禪松房依舊好長與白雲便

題士女二首

綵雲遙隔繡簾攏侍宴催歸踏軟紅回首曲欄春似海莫
因團扇怨秋風

拂曉雲鬟懶去梳東風猶自怯輕裾惜春閒向花前立總
是無言恨索居

謝矩字元規號自適鄞人隱士

賦望郎回山

望郎回望郎回望郎不回心欲摧化作山頭一拳石質堅
不朽心不灰花開花落秋復春煢然獨立誰與隣夜深惟
見皎皎月雨晴只有英英雲將心誓比雲與月雲有卷舒
月圓缺百年夫婦終古心閱世豈知離與別此心炯炯天
地知長年貞節終不移山青水碧兩茫茫郎君應有歸來

時

有餘清為張叔謨賦

地僻人稀到雲深路自通錫山青杳杳鏡水碧溶溶人浸
冰壺月涼分竹徑風滿懷詩酒興不許俗人同

姑蘇

姑蘇臺下百花洲曾是吳王舊所遊寵極捧心終滅國怨
深嘗膽豈忘讐伍胥徒置城頭目范蠡能乘湖上舟千古
江山依舊在春風回首使人愁

張琦

字君玉號白齋鄞人弘治十二年進士福建參政

誤馬曲

郎騎白馬若練帶青絨作繮玉為轡別時馬前細屬目郎
心或改馬色在太行山頭烟霧深馬色亦似遊人心終日
出門望白馬浮雲細草何陰陰占鷄卜嚮皆不定鬼神那
識楊花性思君白髮千丈生蘭花無香藕花病人生不如
燕子飛朝含青虫傍壘歸儂家花落葉滿樹郎騎白馬西
家去

山中歌

深山古苔滿地碧淺山流泉走白石深山不接淺山雲今
人還尋古人跡漆園先生竹皮冠芙蓉衣薄秋風寒秋風
寒欲歸去昏鴉棲滿溪頭樹

遊雪竇寺

春寺蒼茫春鳥鳴竹輿嫋嫋上天行路藏幽竇千年雪雲

借深山半日晴
乍入鼓鐘真夢寐
相看麋鹿是平生
茶鐺詩卷隨身轉
未信招提宿未成

吊岳武穆王墓

侵疆幾復捲鯨鯢
一檜遮天帝眼迷
直北山河忘我土
江南烏鵲作安棲
孤臣自此身無救
長劍何人手再提
寂寞廟前青血在
落花芳草與春泥

東山

飛鳥遺好音
千峯不知處
日出扶桑枝
照見薔薇樹

有懷

南枝驚鵲北枝飛
碧海青天有夢歸
人在回樓方獨坐
滿身明月白雲衣

秋江曲

秋江美人芙蓉衣
日出採菱晡未歸
一道清歌渡口起
鷓鴣鷓鴣衝人飛

雨中

綠蘚寒逾碧
山雞濕不文
江檣三十丈
穿上屋頭雲

醉俠

賒酒不論價
強來奪馬騎
千鍾酬死士
五斗醉胡姬
野有虎

猛虎山中宅
威靈百獸尊

人不識
童豎夜開門

晚興

風逐金行至
白榆飛數金

明三萬里
人在玉峯前

沙村即事

夕陽微月映新秋曲浦斜江竹外流絕似曾遊夢中路沃
洲西去倚扁舟

小僊曉色画

曉色纔分畫者稀吳生醉墨入玄微千村萬落月猶在習
習雙鳩出樹飛

梨園教曲盡

梨花千樹雨初收大內春風不盡頭新製樂章音調澁教
他依舊唱伊州

草堂

寥落川流舊草堂開門正對杜陵莊江村早晚無言口候只

試風簾影短長

畫馬

千騎萬乘出祁連百戰何曾滅右賢今日歸來皮肉長桃
花細草苑牆邊

夢遊雪竇寺

木杪上丹梯何人手共携綠江飛白鷺陰洞出晴蜺落葉
隨僧散浮雲入院棲疑應夢中事聽到午鐘迷

中秋遇雨和萬民望

宦思浮雲外高秋白髮邊遠携康樂酒一上季直船兩脚
無明月人間有次仙形骸忘得否秋水讀長篇

出門

何處問西東乾坤亦醉中
浦雲晴帶濕秋樹暖生蟲
案上行饑鼠墻頭飲絳虹
期期不能語斗酒對鄰翁

東歸會稽道中

稽山東出鳥門斜春晚晴烟感物華
十里長亭栖短樹一天白日落黃沙
蠶生野屋鳴桑葉水送漁舟入麥花
引手明朝指歸路小江高柳是吾家

古意

井中有水通天河井性何曾生浪波
不知誰作轆轤綆亂我心緒當奈何
井底泉義士志昨夜東風怒捲地井上
太行吹不去

吳娃曲

鴛鴦始雛羽未黃吳娃十四依母傍
畫眉令作新月格着粉教學荷花粧
清歌要比鸚鵡語舞態須合楊柳狂
娃年雖少能自惜母言雖良意甚慝
俟妾十八身長成賣妾侍奉青樓客
東家阿母無夜米幼女牕前相悅喜
斑鳩嫁鳩禮所宜零落甘隨草木死
黃金雖多何足誇妾視黃金如土
沙寧令五十無夫家

洪貫

字唯卿號太白成化十三年舉人知縣

送蔣一之往姑蘇

琵琶空自泣嬋娟去住人生信有緣
十載風烟江上笛萬家燈火郭西船
行囊肯惜蘇金盡壯志還期趙璧全
戀別心隨千里月等閒偏照酒尊前

樵

息肩雲谷裏世事久忘機
石枕梅花夢山風榭葉衣
行歌驚野鹿歸擔荷斜暉
欲問吳門路于今世已非

耕

春膏流土脉桑扈正鳴時
谷口雲千頃村邊雨一犁
把書聊爾爾荷鑿自熙熙
未忝真天祿何煩帝聘為

春雨

纔送青青上曉痕又隨寒食過
江村畫堂燕子低垂幕深
樹梨花靜掩門杜宇枝頭渾
寂寞鷓鴣聲裡易黃昏碧波
芳草江南客不是行人亦斷魂

京中九日寄親舊

百年京國盛豪華四海無塵靖
鼓笳黃菊紅萸三市酒錦
筍銀甲五侯家牛山樂極翻
悲古陶令官貧且閉衙良會
重期殘臘後碧天明月看梅花

東逸

東郭先生履未穿蓬萊何處問
神仙晴牕晞髮吞霞早晚
徑開尊得月先謝傳未能忘
蠟屐秦侯猶更種瓜田竹溪
醉業依然在事沉冥性自全

竹窓

矮屋虛牕向竹開清幽無地着
黃埃浮思玉曼鸞笙度短
箔雲移鳳影來蔣逕烟消茶
正熟楚湘月冷夢初回十年
學隱冠將敝坐倩兒童取籜裁

和徐若容秋懷

仙宮幾看舞衣裳爛醉天厨玉醴漿金井轆轤驚夢斷紫
薇簾箔聽更長天從左轉開黃道火向西流應白藏月滿
秦樓人未散玉人何處駕飛凰

紅梅

月華涼照玉屏空冷洗胭脂透骨紅誤被西風吹夢醒不
知身在翠華宮

題宮意二首

秋水精神玉雪姿雲鬟斜軀遠山眉西風寂寞長門日漫
把幽懷葉上題

梅花開遍向南枝玉笛聲中日正遲生怕燕釵斜欲墮整
妝坐待晚朝時

宮詞十九首

蛾眉望斷五雲紅金殿西頭畫閣東舊賜齊紈猶在手含
啼不敢怨秋風

白日長門閉幾重每臨秋水歎芙蓉昨朝忽被君王命赭
服新教繡袞龍

花陰長日卧韓盧閒看簾前燕引雛聽得當家宣畫本君
王要按美人圖

隔花女伴咲呼名新試宮鞋月下行倦劇歸來更漏永一
簾秋水浸桃笙

赤甲丹封映玉拳秋燈別殿慣孤眠忽聞夜半傳宣急新

擢昭容侍御前

月殿清虛舞素娥銀橋百尺夜曾過一從傳得霓裳曲玉
版新詞更覺多

淡服慵粧似出家銀屏添水浸荷花香銷日午經千遍冰
椀新嘗上賜瓜

三千紅粉鬪春嬌邂逅新恩在一朝只恐金根門外度夜
深猶把寶燈燒

冰簟銀牀翠織成忽聽禁樹送秋聲起來閒倚闌干立露
冷梧桐月正明

寶鼎烟銷五夜香翠衾無夢覺來長內簾傳勅催粧束歌
次明朝宴壽陽

露滴梧桐月滿樓天心大火已西流君門且莫悲紈扇更
有琵琶馬上愁

別院笙歌別是春芙蓉屏障隔風塵玉魚金鑰年年在鸚
鵡籠中解喚人

紅妝小隊打毬歸汗濕香羅換賜衣倦向沉香亭上立生
憎雙蝶鬪高飛

金屋無情老歲華春風落盡海棠花同來女伴休相咲乞
得新恩許出家

花萼遙連務本樓五王文采盡風流不知凝碧池頭宴落
盡宮槐一樹秋

朝來一雨淨天階偷得閒中試鳳鞋雙襪凌波行步緩倩

四明風牙卷二
三十六
人頭上整金釵

雙飛金鳳綠雲翹舞袖三千盡絳綃一自鑾輿西幸後白頭如夢說前朝

井梧葉落報新涼露滿晴空月滿堂妾分長門甘冷落熏籠休炷辟寒香

深宮偏與懶相宜火冷薰籠睡起遲閒倚畫闌看芍藥不知開遍向南枝

風雨歸舟圖

長江一夜西風作颶母翻騰勢胡惡船頭白浪大於山船尾驚濤小於屋艤艫巨艦渾欲傾長年三老神魂驚瞿塘灑潏不可道揚瀾左蠡今身經里雲壓山樹欲折百尺斜

牽釘椿橈破笠風飄去似萍亂策不掩鷄衣缺去船得意咲嘻嘻七丈蒲帆如鳥飛來船逆浪不可住打頭風急真難為風顛不息雨加驟蓬底歸心如馬走今古興亡利與名苦雨西風吊衰柳昨日東風今日西世情翻覆亦如斯若使東風鎮長好人生那有失時悲

張懋賢

字汝隆號覃湖鄞人進士長史

桃源圖

碧桃紅褪見漁郎驚問何來喜欲狂天下已知更晉室山中只說避秦皇年肥沙壠畊常早犬護柴扉夢獨長容我偷安葺屋底回途切莫說仙鄉

遊靈源寺

靈源有寺路依稀作伴捫蘿入翠微老衲何年留錫杖古
碑今日翳苔衣菊開小徑金錢簇泉落僧巖玉屑飛便欲
捨身雲畔宿不堪與從又催歸

閨怨

鎖合丹楹春晝長玉肌消褪紫霓裳水沉漏箭銅龍冷路
遶羊車鹽竹黃簾幙空鈎閒白晝琵琶別院斷迴腸妾身
不及雙飛燕鎮日含泥入未央

遊上塔阿育王寺

舍利光存否迴巒試一登捫蘿雲在襪汲井月隨繩倦就
蒲團卧豪思玉几凭十年遊覽與今日為君乘

田自大皎

已慰交親望肩輿落翠微雨晴山瀨響風定雪花飛野鳥
窺樵擔沙鷗上釣磯物情多自適我也近忘機

賜閒堂詩

當年恩寵老彌珍一任堂開八面春就枕了無驚夢事敲
門惟有乞詩人花前屐齒苔沾慣松下琴聲鶴聽頻寄語
釣蓑休妄擬回頭多少舊經綸

張時敏

字維新號洞雲鄞人封吏部侍郎

重陽述懷

白露老蕪葭秋香藹萸菊好景常自逢好懷常不足昨得
故人書哀感不成讀長江非葦航何從話衷曲故人既已
遠豈不念天屬有弟越之椒有子荆之麓林頭一罇酒自

酌非所欲登高豈無臺紅塵繞黃鵠山名坐待明月光聊以
遣吾獨

病中強和東沙春官夏日吟十首

宿雨新開霽沙明柳外堤水平江岸濶草長石階齊院落
晨飛燕桑陰午集雞茗爐和藥鼎抱病愜幽栖
日對槎湖水如遊濠上梁磯停雙屐玉波泛兩鴛鴦適景
忘身病看雲引意長杖藜成暮佇何處度滄浪
人世有炎熱衰軀獨畏風倦蹄愁遠道歸鳥覓深叢架壓
葡萄紫波凌齒齒紅追思楚遊日解帶武當宮
柴門臨曠野萬點見流螢有酒堪邀月無樓可摘星半年
緣病枕百感在吟屏清夜不成寐漁歌隔水聽

數月不出戶一病卧休文夙悶憑詩遣閒愁仗酒分豎囊
餘白石農野徧黃雲行止如輪曳閒居對此君

草堂三面水地僻喜無譁茂樹藏紅日晴川散彩霞園收
鶯粟子庭採鳳兒花安得身重健山涯復水涯

長空飛赤日坐待月生寒與客談幽什臨風詠澧蘭暖香
霏擺極愁思動琅玕因念農家苦鳴犂徹夜闌

江鄉暑氣泚心靜自清虛草色門前徑榆陰屋外渠養生
無異術娛老有閒書羨彼沙頭鳥浮游日自如

欲覓廣寒路綠無萬仞梯就涼凭竹牖扶病陟花蹊庭雀
依人噪桑鳩逐婦啼不冠無不襪長畏報輪蹄

園池荒落久世德仰芳蓮蘭葉翻荷鷺魚叶拂柳烟野鷗

閒自適雲鶴任高騫又抱文園渴清風想玉川

九月二十日同聶庶憲山堂晚酌紀興二首

有約登臨感使君栢臺深處醉奇芬夕陽影落青山外雙
鶴歸來宿白雲

綠醕黃花山上亭重陽過了始來登却因暝色催人別又
落烟霞路幾層

訪戴圖

泛泛扁舟過剡東梅花一路伴詩翁殷勤未必緣尋主興
在清宵風雪中

送春

滿山啼鳥綠陰新飄盡香風紫陌塵為問春歸何太急天

涯猶有未歸人

遊紫陽道院

天琢蓬萊第一峰石門通處見仙宮秋清碧落來鳴鶴水
積寒潭隱卧龍零霞書凝青瑪瑙飛霞晴點翠芙蓉曲欄
倚徧低回首多少樓臺似畫中

曉發紹興城外

起踏船頭覽物華塵蹤一夜伴蘆花雞聲催淡山頭月鴉
陣啼紅海外霞到岸喧聲皆旅舶隔橋烟火是漁家片雲
忽散蕭蕭雨更掩篷窓聽煮茶

奉和叔祖南園先生

老去從容一卷詩高風端合士林推青山次第開屏障明

月尋常到酒卮雨過漁罾籬外出春來吟
候柳邊移忘機自有沙鷗識塵世徒勞百爾思

過金陵上新河晚泊

老來翻咲客烟波羞向桐江覓釣蓑京口東來逢水逆石
頭西去見山多天開王跡金陵道地冷春風玉樹歌謾說
興亡今古事且須沽酒入新河

還自洪山復登黃鶴樓次韻

扣門不管白雲封百尺危梯信步從解帶樹陰分石鏡
鍊石鏡捲簾江影落龜峯西對漢人遊萬里添秋興仙去多
年感舊蹤覽徧洪山復黃鶴野情何處不相容

答黃鶴樓

欲上層空摘斗牛西風寒灑鬢颯颯仙於何處乘黃鶴人
向江天倚白頭千里眼空雲夢澤八紘襟納洞庭秋相逢
盡說波濤險日日東流見客舟

張時政

字惟正號野雲鄞人隱士

和常甫姪感懷

懷抱多憑酒散愁荷君邀我竹林遊雲開花弄簾幃月雨
過涼生几席秋何處菱歌晴泛棹誰家牧笛晚歸牛空慚
阮籍狂無補時詠湖山醉小樓

春日閒書

桃唇點絳柳腰輕萬里陽春燕子聲啼煞斑鳩天未雨老
夫辛苦務深畊

題贈七秀才書樓

小樓占得好山多幾度登臨醉復哦自信箇中真樂地漁翁一曲太平歌

簇木層雲水外屏鷺鷥點破曉山青野翁愛此真詩景日向闌干取次凭

春暮訪竹村偕遊布金寺

愁來閒訪故人家門逕無塵半落花白髮共憐春又暮青山仍許客來賒紛紛燕雀飛平野款款鳧鷖下淺沙拉屐上方看古迹篆碑三尺立烟霞

和遊溪隱庵

溪邊溪隱舍為客不曾關引步松間鶴供題雨後山柳花

燕蝶亂燕語聒人蠻吟遍烟霞地有興一咲還

張時孜字惟善號岫雲鄞人進士知縣

次韻題碧沚庵

四面虛窓映水開水壺千頃淨無埃波心明月龍銜出松底閒雲鶴領來丹竈晝長燒榭葉香壇春暮掃莓苔得逢樂地須沽酒相府于今半草萊

暮秋感懷

一派涼颼葉戰林無端時事總關心野塘烏桕都含玉籬落黃花又破金行橐已空還撫劍客衣未補怕聞砧片懷長為微名累多少秋光不入吟

梁衡字士平號友蘭鄞人隱士

仙女洞中懷劉阮

洞鑱烟霞幾萬重山中瑤草長春風雲和未拂腸先斷玉
檢頻封路不通玄鶴有時遊碧落青鸞無夢到瑤宮天長
地濶音塵絕消盡桃溪窈窕紅

晚適

林下風聲起沙邊日色黃避人驚水鳥問渡揖漁郎澤露
紅花冷江烟碧樹涼暮鐘城外落浮動水雲鄉

春江曲

水盈盈烟冥冥北江日晚春潮平垂楊拂開練花碧落鷗
點破山屏青兩兩漁郎咲相逐街頭喫酒津頭宿醉扣頭
舟唱竹枝一任飛花捲篷屋

雙馬圖為方克成題

蘭筋束骨雙龍齊牽來肯向秋空嘶胡兒未識千里駿一
金欲售追風蹄玉門關外陰山道飛騰多少收功早驂騑
騶駟世豈無不遇孫陽空自老

七夕

天上佳期此夜分星河萬里淨無雲香塵度水生鴉襪清
露含風洒鶴裙琪樹笙簫傳縹緲玉階鈿翠落繽紛苦吟
不是南遷客焉用河東乞巧文

述懷呈吳通府

獨行獨坐獨吟詩遠客新愁不可支流水斷雲人去後落
花芳草燕來時多岐欲洒楊朱泣無路堪洲鮑叔知夢到

槎環湖上月倚明慈母鬢如絲

蘆鴈圖

平沙淺水帶斜陽
叫破南雲憶斷行
莫恠蘆汀棲未穩
瀟湘雖好是他鄉

題雲山小景

雲谷衡茅自結隣
青山綠樹四時春
行舟不出仙源口
知是秦人是晉人

見燕

翠竹幽窗傍水開
東風吹暖讀書臺
不知門外春多少
又見雙飛燕子來

過西樓

占勝城南得上游
散襟携客漫登樓
風回玉樹滄洲晚
露下銀潢碧落秋
寶鼎篆銷香靄斷
羽觴波動彩霞流
人間歲月堂堂去
刻燭聯詩醉未休

對春

春色賒將錦繡鋪
年年長是被詩逋
香風正軟酣蝴蝶
甜雨初肥吐鷓鴣
帝子舊愁斑穉筍
王孫新夢綠平蕪
陽和德澤無私地
樗櫟時來也自敷

史自守

字端仁號雪窩鄞人隱士

蠶婦愁

朝採桑暮採桑
少婦歸來携滿筐
金刀剪葉不停手
飼飪蟲豈惜朝夜忙
四月桑稀蠶綴簇
五月繰車響轆轤
少婦辛勤

勤老更加日忘梳頭夜忘宿新絲上機成紉羅五陵蕩子
身衣多霞綃霧縠疊笥盛裝遣嫁里中娥蠶婦年來貧
最苦布衣着破猶未補

貧女歎

綵牕有女出貧素出自家貧心不妬羅襦金鳳任他人獨
向深閨守荆布平生應不慣鉛華雙眉淡掃雙髻丫為他
人忙工刺繡鴛鴦鷓鴣芙蓉花歲歲東風二三月碧欄杆
外梨花雪豔冶韶光瞥目新枝上杜鵑啼欲血日日操持
蘋藻心門前喜鵲空好音良媒議婚尋富室豈知世路趨
黃金東有紅樓富家女嬾傍晨昏弄機杼青春二八競娉
婷盛裝來嫁西豪里西豪里兒真風流象牀錦帳珊瑚鈎
洞房花燭照良夜鼓琴鼓瑟何綢繆昨日乘龍納夫壻今
朝有命遼西去牽衣含淚惜別離為問重歡在何處征西
有功封列侯再求鳳侶登秦樓樓中夫壻朝朝樂家中舊
婦夜夜愁夜夜愁何時休長江一去無回頭富女嫁人守
空夜爭如貧女猶未嫁

白頭吟

白頭吟與君結髮為同心越羅新裁鸚鵡綠寶釵斜簪鳳
凰金娥眉鬢鬢豔曉月春風環珮飄飄音合歡携手步庭
下月明咲語花陰陰此時恩愛期白首豈意君心輒相負
出門馬足疾如飛揮金長醉青樓酒專房割愛妾身孤妾
孤空羨鴛鴦偶羅襦未暗玉珥明妾心戀君無情泥沙

紛紛團不就
虫絲縷縷織不成
郎君此去
里還家夢中
咲看菖蒲花

題小景

南山遠聳螺峯綠
西山青削芙蓉巖
老龍蟠處海雲生
漫白氣堆銀屋
誰家門鎖春色深
鞦韆架下花陰陰
蒼苔白石遶蕭寺
鐘聲隱隱穿雲林
暗泉瀉出屋頭石
倒掛玉虹長百尺
銀蟾飛上海東頭
一輪碾破琉璃碧
綠蘋水國春雲香
波心浸月流金光
方丈蓬壺只咫尺
漁婦別浦歌滄浪
柳梢肥綠半拖水
睡足鴛鴦亂飛起
栖巖仙子逞風流
畫船快似龍驤舉
酒盡船頭雙玉瓶
中流揭天簫鼓鳴
沉酒掀髯發長嘯
蓍然水底魚龍驚
探盡五湖風景足
拾

來明月珠千斛
潮平兩岸夜歸時
猶如萬里騎黃鵠

馬圖

龍媒鳳臆玉花驄
立仗當年氣骨雄
只為一鳴遭黜後
空看首着謾西風

月林圖

一片秋聲入林塢
白露枝頭月當戶
石家金谷夜長春
還擁蛾眉看歌舞

山水圖

碧樹山前白露長
柴門半掩納斜陽
野橋春去花無主
都趁東流別澗香

西施歸吳

一見吳王得寵新
館娃宮裡燕青春
越溪還有蛾眉女
應是西施不薦人

月篷卷

昨夜江頭放舟去
月光籠水水東注
謾呼黃鶴聽吹簫
漏斷山城天欲曙

秋日書懷二首

次寥天氣淨
獨坐啟郊扉
月淡桂花發
風清荳葉稀
秋樊憐鶴瘦
晚釣憶鱸肥
又混紅塵迹
登高欲振衣

仗劍慚遊子
天涯久繫身
蟲聲偏近客
風力旋欺人
筆硯青衫舊
乾坤白眼新
鸞坡頻入夢
何地是通津

古意四首

到枕孤鴈聲
穿窓殘月影
心掛轆轤繩
隨瓶落金井
新郎卜遠行
風雨阻去騎
安得再風雨
明朝猶未去
雲錦靚秋風
白露沁芙蓉
芙蓉香未減
內有心重重
舊釵落金鳳
舊裾損霞縠
不語兩眉顰
獨立背銀燭

梁寅

字敬甫號竹村鄞人隱士

暮春呈洞雲

白髮年光客裡身
舊遊回首悵流塵
剪燈尚憶湖南夜
彈劍重悲海上春
月黑渚潮聽轉急
烟青江草望還新
芳園行樂渾無賴
應向東風憶遠人

和遊寶巖寺

為問真如不二門
寶坊深入絕巒氛
高談清散花臺雨
清

卧衣寒石榻雲滿壑泉聲宵閣外連崖樹色曉溪濱相携
共訝巖廊客隨喜旃檀度暗薰

孟秋望前夕陪洞雲登廣視堂對月款酌

月出天宇秋微吟愛清景晤對雅興生起行高步整超遙
陟仙臺恍惚離人境堂開黃鵠背梯俯青松頂河明碧落
低江漲素烟迥露蘭飄暗香寒藤掛踈影城鎖市喧寂山
空世紛屏幽賞叨我同佳盟藉公領張筵燕坐恭飛觴劇
談逞勝事本不常茲遊亦云幸夜久下層巒文星在東井

皇朝四明風雅卷之二終

